



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 69. stav 3. i 70. st. 1. 4. Zakona o javnim nabavkama („Sl. glasnik BiH“, broj 39/14), u postupku javne nabavke - konkurs za izradu idejnog rješenja simbola grada Zenica, Gradonačelnik donosi:

ODLUKU
o poništenju konkursa za izradu idejnog rješenja

Član 1.

Poništava se konkurs za izradu idejnog rješenja simbola grada Zenica iz razloga što je do krajnjeg roka za prijem radova zaprimljen samo jedan rad, dok je tenderskom dokumentacijom propisano da će Konkursna komisija dodijeliti nagrade ukoliko do utvrđenog roka bude dostavljeno najmanje tri konkursna rada. S tim u vezi konkurs za izradu idejnog rješenja simbola grada Zenica se poništava u skladu sa članom 69. stav 3. Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-5603/22 od 15.03.2022. godine. Obavještenje o nabavci broj: 1355-6-2-75-3-52/22 objavljeno je na Portalu javnih nabavki dana 24.03.2022. godine.

Predviđena ukupna vrijednost za dodjelu nagrada iznosila je 15.000,00 KM.

Tačkom 6.3. tenderske dokumentacije propisano je da će Konkursna komisija dodijeliti nagrade ukoliko do utvrđenog roka bude dostavljeno najmanje tri konkursna rada koji ispunjavaju uslove konkursa. Do krajnjeg roka za prijem radova zaprimljen je samo jedan rad pod šifrom M0306. Obzirom da je pristigla samo jedna ponuda, odnosno jedan konkursni rad, nadmetanje nije moguće, te se postupak poništava u skladu sa čl. 69 stav 3. Zakona o javnim nabavkama kojim je propisano da se postupak javne nabavke može otkazati zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba kabineta Gradonačelnika, Trg BiH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-5603-2/22

Datum: 28.04.2022. godine

DOSTAVLJENO:

1 x Učesnik

1 x Služba kabineta Gradonačelnika

1 x Tenderska dokumentacija

1 x a/a

TRG BIH 6 | 72000 ZENICA
TELEFON 032 447 700 | TELEFON 032 447 775 - KABINET GRADONAČELNIKA | FAX 032 447 776

www.zenica.ba

